

## ॥ पुरुषसूक्तम् ॥

सहस्रशीर्षा पुरुषः। सहस्राक्षः सहस्रपात्। स भूमिं विश्वतो वृत्वा। अत्यतिष्ठदशङ्गुलम्॥  
 पुरुष एवेदः सर्वम्। यद्धृतं यच्च भव्यम्। उतामृतत्वस्येशानः। यदन्नैनातिरोहति॥  
 एतावानस्य महिमा। अतो ज्यायाःश्च पूरुषः। पादोऽस्य विश्वा भूतानि। त्रिपादस्यामृतं  
 दिवि॥ त्रिपादूर्ध्व उदैत्पुरुषः। पादोऽस्येहाऽऽर्भवात्पुनः। ततो विश्वङ्मुक्तामत्। साशनानशने  
 अभि॥ तस्माद्विराडजायत। विराजो अधि पूरुषः। स जातो अत्यरिच्यत। पश्चाद्भूमिमथो  
 पुरः॥ यत्पुरुषेण हविषा। देवा यज्ञमतन्वता। वसन्तो अस्याऽऽसीदाज्यम्। ग्रीष्म इध्मः  
 शरद्धविः॥ सप्तास्याऽऽसन् परिधयः। त्रिः सप्त समिधः कृताः। देवा यद्यज्ञं तन्वानाः।  
 अबध्नन् पुरुषं पशुम्॥ तं यज्ञं बर्हिषि प्रौक्षन्। पुरुषं जातमग्नतः। तेन देवा अयजन्त।  
 साध्या ऋषयश्च ये॥ तस्माद्यज्ञात्सर्वहुतः। सम्भृतं पृषदाज्यम्। पशूःस्ताःश्चक्रे वायव्यान्।  
 आरण्यान्ग्राम्याश्च ये॥ तस्माद्यज्ञात्सर्वहुतः। ऋचः सामानि जज्ञिरे। छन्दांसि जज्ञिरे  
 तस्मात्। यजुस्तस्मादजायत॥ तस्मादश्वा अजायन्त। ये के चौभयादतः। गावो ह  
 जज्ञिरे तस्मात्। तस्माज्जाता अजावयः॥ यत्पुरुषं व्यदधुः। कतिधा व्यकल्पयन्। मुखं  
 किमस्य कौ बाहू। कावूरू पादबुच्येते॥ ब्राह्मणोऽस्य मुखमासीत्। बाहू राजन्यः  
 कृतः। ऊरू तदस्य यद्वैश्यः। पद्भ्यां शूद्रो अजायत॥ चन्द्रमा मनसो जातः। चक्षोः  
 सूर्यो अजायत। मुखादिन्द्रश्चाग्निश्च। प्राणाद्वायुरजायत॥ नाभ्या आसीदन्तरिक्षम्। शीर्ष्णो  
 द्यौः समवर्तत। पद्भ्यां भूमिर्दिशः श्रोत्रात्। तथा लोकाः अकल्पयन्॥ वेदाहमेतं पुरुषं  
 महान्तम्। अदित्यवर्णं तमसस्तु पुरे॥ सर्वाणि रूपाणि विचित्य धीरः। नामानि  
 कृत्वाऽभिवदन् यदास्तैः॥ धाता पुरस्ताद्यमुदाजहार। शक्रः प्रविद्वान् प्रदिशश्चतस्रः। तमेवं  
 विद्वानमृतं इह भवति। नान्यः पन्था अयनाय विद्यते। यज्ञेन यज्ञमयजन्त देवाः। तानि  
 धर्माणि प्रथमान्यासन्। ते ह नाकं महिमानः सचन्ते। यत्र पूर्वं साध्याः सन्ति देवाः॥  
 अद्ध्यः सम्भूतः पृथिव्यै रसाच्च। विश्वकर्मणः समवर्तताधि। तस्य त्वष्टा विदधद्रूपमेति।  
 तत्पुरुषस्य विश्वमाजानमग्रैः॥ वेदाहमेतं पुरुषं महान्तम्। अदित्यवर्णं तमसः परस्तात्।  
 तमेवं विद्वानमृतं इह भवति। नान्यः पन्था विद्यतेऽयनाय॥ प्रजापतिश्चरति गर्भे अन्तः।  
 अजायमानो बहुधा विजायते। तस्य धीराः परिजानन्ति योनिम्। मरीचीनां पदमिच्छन्ति  
 वेधसः॥ यो देवेभ्य आतपति। यो देवानां पुरोहितः। पूर्वो यो देवेभ्यो जातः। नमो रुचाय

ब्राह्म॑ये॥ रुचं॑ ब्रा॒ह्मं ज॒नय॑न्तः। दे॒वा अ॒ग्रे तद॑ब्रुवन्। यस्त्वै॒वं ब्रा॑ह्म॒णो वि॒द्यात्। तस्य॑  
दे॒वा अ॒सन् व॑शे॥ ह्रीश्च॑ ते ल॒क्ष्मीश्च॑ प॒त्न्यौ। अ॒होरा॒त्रे पा॒र्श्वे। नक्ष॑त्राणि रू॒पम्। अ॒श्विनौ  
व्या॒त्तम्। इ॒ष्टं म॑निषाण। अ॒मुं म॑निषाण। स॒र्वं म॑निषाण॥

॥ ॐ शान्तिः॒ शान्तिः॒ शान्तिः॑ ॥

